

MORAGO JESU A TLA

2  ...le go Leina le legolo la Ngwana wa Gago yo a tloditšwego, Morena Jesu Kriste. Re a Go leboga bakeng sa Bophelo bja Gagwe, le bakeng sa mogau wa Gagwe wo o tšholletšwego ka bophara ka dipelong tša rena, ka Moya wo Mokgethwa.

3 Ge re ka no ema, go bala ditšhegofatšo tše ntši tše di filwego rena, go tla ba go se balege. Re leboga bakeng sa pholo ya rena, le bakeng sa ditšhegofatšo tšohle tše kgolo tše o tšelete e ka se kgonego go di reka. Wena o humile, ka mogau wa Gago, o ba emišeditse godimo ga rena. Gomme re batho ba ba nago le monyetla go Go tseba.

4 Gomme ke tlhologelo ya dipelo tša rena gore bao ba sa Go tsebego, gomme ba se segwera le Wena, gore ba kgone go tsebana le Wena, gomme dibe tša bona di lebalelwé, le go ba segwera le Wena, Tate. Ka gore O rile, “Ke yo boleta le wa go kokobela. Gomme sefapano se be se le bonolo gomme merwalo e be e le bohwefo.” Gomme re no rapela gore O tla bonagatša seo go yo mongwe le yo mongwe bošegong bjo. Ge go ka ba le ka sebaka go ba bangwe mo ba ba sa Go tsebego, a nke ba tle bošegong bjo gomme ba Go amoge. Thuša Bakriste ge ba eya pele. Šegofatša dipina tše, bošegong bjo, go tšwa ba—ba bathong ba ba opelago.

5 Gomme re thuše ka go tsošeletšo ye e tlagó. Mašego a mahlano a, Morena, re ikwela gore e tla ba thato ya Gago, gore re ke re neele mašego a go tirelo, feela pele re keteka tsogo ye kgolo; le go bapolwa, tsogo ya Morena wa rena.

6 Eba le rena bjale. Etla go Lentšu la Gago, Morena, gomme direla go rena, gomme a nke re be le kopanelo go dikologa Lentšu, ka Moya wa Modimo. Leineng la Kriste re a rapela. Amene.

7 Ke monyetla wo mobjalo go leka go ema pele ga motho o tee, go bolela ka Morena Jesu. Gomme ke etše hloko, ka bodireding bja ka, go no se tshwenye go Modimo, ge eba go tasene, goba go na le dikete. O na le Molaetša wa go swana nako yohle go batho, e lego mogau wa Gagwe.

8 Thuto ya rena bošegong bjo, e thoma morago ka ye nngwe ya dipeakanyo tše botse kudukudu tša Lengwalo. Ke nagana gore Lengwalo lohle le no phethagala. Ga go phošo ye e ka hwetšwago le Lentšu la Modimo. E nno phethagala. Eupša, sehlogo seo re nago le sona ka tlase ga kelohloko, ke se sengwe sa dingwalwa tša go ikgetha tša Lengwalo. Ke se sengwe sa ditswalelo tša Bomesia bja Gagwe.

9 Le a tseba, banna ba ka kgona go tla lefaseng le, gomme ba kgona go dira mehuta yohle ya ditatamente le mehuta yohle ya

ditshepišo, eupša ge ba sa kgone go phethagatša ditshepišo tšeо, gobaneng, ditshepišo tša bona ga di dire botse kudu. Eupša ge motho a etla gomme a kgona go dira tshepišo, gomme morago a kgona go phethagatša tshepišo yeo, seo se dira lentšu la gagwe go loka.

⁹ Gomme O be a le Motho a nnoši yo a kilego a phela lefaseng, yo a ka kgonago go dira setatamente se, “Ke na le maatla a go bea bophelo bja Ka fase, gomme Ke na le maatla a go bo tšea gape.”

¹⁰ Ke bile le monyetla ka bodireding bja ka, go ema kgauswi le lebitla la bathomi ba bantsi ba bagolo ba bodumedi, bathomi ba bagolo bjalo ka Mohammed le bontsi bja mabodumedi a mangwe a go ikgetha a lefase. Eupša bjo bongwe le bjo bongwe bja wona bo na le lefelo le le marakilwego moo mothomi wa bjona a hwilego, gomme o bolokilwe, gomme o robetše fale go fihla letšatši le.

¹¹ Gomme go le bjalo, ka tlhagong, ga se ka ke ka ba le monyetla go ema kgauswi le lebitla lela le butšwego moo Kriste a bego a beilwe, gomme lebitla ga se la kgona go Mo swara. Ka gore O be a le Yena Yo a rilego, “Ke bea bophelo bja Ka fase; ga go motho yo a bo tšeago go tšwa go Nna. Ke bo bea fase gomme Ke bo tšea gape.”

¹² Gomme ke bodumedi bo nnoši ka lefaseng bjo bo ka kgonago go netefatšwa go nepagala, ke bodumedi bja Bokriste. Morena wa rena, ga se A hwela feela batho ba Gagwe, eupša O tsogile gape bakeng sa tokafatšo ya bona. Gomme O rotogetše Godimo, bosegong bjo, gomme o dutše mo Teroneng ya Modimo. Gomme Moya wa Gagwe o phela ka Kerekeng ya Gagwe, le batho ba Gagwe, o dira tšona dilo tša go swana tšeо A di dirilego ge A be a le fa lefaseng; o tšwetšapele bodiredi bja Gagwe.

¹³ Gomme ka morago ga mosong wo, Moya wo Mokgethwa ka bobotse kudu o tla fase le go re hlapisa ka botse bja Gagwe bjo bogolo, Ke be ke nno šušumetšwa go bolela wona mantšu le go re, gore, letšatši le lengwe la letago leo dimpho tšohle tšeо di lego ka kerekeng di tla no beelwa thoko, godimo ga raka, bjalo ka ge go bile. Gomme Moya wo Mokgethwa, Yenamong, o tla no tšea Kereke ka go taolo ye bjalo, ya lerato le Lekgethwa, go fihla balwetši ba tla fodišwa, difofu di tla bona, dihlotša di tla sepela, ntle le go ba diatla di beilwe godimo ga bona. E tla no ba kopano e tee ye kgolo.

¹⁴ Gomme ge re eme mosong wo, ka go lebaka le nako ye re lego, gomme re bone monna yola a sepela . . . goba a rwaletšwe godimo fa ka hlogo ya gagwe e inamišitšwe fase magareng ga matolo a gagwe, gomme ka seemo sa mongetsana seo se mo inamišitšego ka mokgwa wo, gomme sa mo gogela fase. Gomme ge a dutše fale, a thoma go kobakobetša morago le pele, ka mokokotlong ga wola.

¹⁵ Morago go bona monna yola a eya morago le go dula fase, ka morago ga go tla go kgabola mothalo wa thapelo, le go tseba gore o dirile setatamente, gomme o rile, lebaka la mengwaga ye mentši, ka kgonthe go bile thata go kwa ka ditsebeng tša gagwe, gomme go bona Morena Jesu a bula ditsebe tšela ka phethagalo kudu, go fihla a kgona go kwa go sebaseba ga fasefase. A eya morago le go dula fase le go bea diatla tša gagwe godimo ga ditsebe tša gagwe le go lla. Monna wa kgwebo; monna yo a otletšego dimaele tše makgolo go fihla mo.

¹⁶ Ka gona, ka morago ga fao, sefaleng, mabopaki a bana bao ba ttilego mo, batho ba ba bego ba le ka seemong sa go hlobaetša, sa mehuta yohle ya malwetsi, go tšwa go kgabaganya naga, ba efa bopaki bja maemo a bona, le ka fao ba bego ba ehwa ka kankere le dilo tša go fapania. Gomme šeba bona, ka sekeng, ba fodile. Bjoo e no ba bjo bongwe bja mabohlatse a Bomesia bja Gagwe bja go tšwelapele.

¹⁷ Ke bohlatse gore Bokriste ke Therešo. Ga go na bodumedi bjo bongwe bo lego Therešo eupša Bokriste. Gomme ke Therešo. Kriste ke Therešo. Gomme O... Bodumedi bja Kriste ga se bja hwa le Kriste. Bo ka no ba bo hwile le Yena, eupša bo tsogile le Yena, le bjona. Gomme Yena, bošegong bjo, o sa netefatša Bomesia bja Gagwe bjo bogolo.

¹⁸ Re a rutwa, ka go puku tsoko ye nnyane yeo ke bego ke e bala nako ye nngwe ya go feta, e bitšwago, *Mokgoma wa Ntlo ya Dafida*. Ke a dumela e ngwadilwe ke monna yo a bitšwago Ingraham. Gomme go tšeelwa gore go bile, karolo ya lona, therešo, gomme e tserwe go tšwa go dingwalwa tsoko tša kgale, go tšwa go dingwalwa tša letlalo go tšwa go ye mentši, mengwaga ye mentši morago. Gore, go be go le Mojuda yo moswa, ka Palestina, ka nako ya go swana yeo Jesu a bego a le fale. Gomme yena, a ngwalela tatagwe ka Alexandria, o be a boloka kgokagano ya kgauswi le tatagwe, mabapi le Johane Mokolobetsi le Jesu yo a ipiditšego Yenamong "Mesia." Gomme ka kua o fa seswantšho se sebotse sa peakanyo ya rena bošegong bjo.

¹⁹ O boletše gore Marea le Maria le Latsaro ba be ba le bagwera ba hlogo ya kgomo go Jesu. Gore, ka morago ga lehu la Josefa, gore ba ile... O tlie go dula le bona, le go ba le bona. Latsaro o be a ithuta go ba mongwadi ka tempeleng. Gomme Marea le Maria le bona ba be... Ba be ba se na le tate le mme. Kafao, ba diretše tempele mebata ye mennyanie, mašela a mannyane le dilo, go loga, gomme woo o ba file se sengwe go dira. Gomme Jesu o tlie go dula le bona, pele A ka tsoge a itsebiša Yenamong gore O be a le Mesia.

²⁰ Gomme Latsaro o be a le tlase nokeng, go kwa theroy Johane. Kafao o tlie morago le go ba botša se mopropfeta yo mogolo a tšwago ka Galelia, go tšwa lešokeng, le se a bego a se kwalakwatša, gore go tla ga Mesia go be go batametše. Gomme

Latsaro bonnyane o be a sa tsebe gore Yena yo a bego a bolela le yena e be e le Mesia, ka Boyena.

²¹ Gomme letšatši le lengwe o phegeletše Jesu, bjalo ka ge go bile, go ya tlase le yena, go kwa moprofeta yo a rera. Gomme Johane, tlase kua, a se a apara ka mantšu a magolo a go kokomoga; feela monna wa mehleng wa tlwaelo, a se a apara boka moprista mogolo.

²² Ka gore, Modimo ga a dule ka go tsela ye re aparago. Modimo ga a kgathale bontši kudu ka yona, ge feela re apere go hlomphega le go lebega gabotse. Ga wa swanela go ba le kholoro ya gago e retolletswe, goba go apara setše hlogong ya gago. Modimo o nyaka o be le ya go kokobela, pelo ya boineelo. Seo ke se Modimo a se lebeletšego.

²³ Gomme ge a bone Jesu a etla le Johane, go kolobetšo ya gagwe, Johane o retologile le go lebelela, le go re, “Bonang Kwana ya Modimo ye e tlošago dibe tša lefase.”

²⁴ Gomme ge Jesu a kolobeditšwe ke Johane, ba bolela gore O boile morago moragorago go legae la Latsaro le Mareta. Gomme ge A be a dula kua, a eja tafoleng ya bona, a robala ka mepeteng ya bona kua ka Bethania. Gomme letšatši le lengwe, Modimo o boletše le Jesu le go Mmotša, “Ke nyaka O tlogue lefelong le, le go ya moo Ke tla Go bontšhago.”

²⁵ Bjale, re a tseba gore Beibele e boletše, ka go Mokgethwa Johane 5:19, Jesu o rile, “Ga Ke dire selo ntle le ge Tate a Mpontšha pele se ke swanetšego go se dira.”

²⁶ Gomme bjale Modimo o ile a swanela go Mo laetsa, nako yeo, gore a dire eng, goba O be a ka se tsoge a tlogue Bethania. Kafao O ile ntle, e ka ba leeto la matšatši, goba a mabedi.

²⁷ Gomme pele le pele, Latsaro o babjitsa, gomme ba rometsa go Jesu go tla. Eupša, sebakeng sa go tla, Jesu o nno hlokonomologa pitšo.

²⁸ Bjale a go ka se go dire o ikwele go se tlwaelege ge modisa a dirile seo? E tla go dira o ikwele boka, “Gabotse, ga a kgathale ka rena.”

²⁹ Eupša, oo, ge o ka no ema motsotsa, go elelwa se, gore, “Dilo tšohle di ſoma mmogo bakeng sa tše botse go bona ba ba ratago Modimo.” Ga go selo lefaseng se ka yago ka phošo, ge feela o le ka go Modimo. “Dikgato tša moloki di beakanywa ke Morena.”

³⁰ Gomme ka gona ba rometsa gape bakeng sa Jesu. Gomme Yena, go bonagala, o hlokonomologile pitšo ya bona le go no ya pele thwi. Ka morago ga ge matšatši a mane a fetile, O rile, “Mogwera wa rena, Latsaro, o robetsa, gomme ka baka la lena Ke thabile Ke be ke se kua.” Ka gore, ge A ka be a be a le kua, ba ka be ba be ba leka go Mo dira gore a dire se sengwe seo e bego e se thato ya Modimo.

³¹ Oo, nka kgona bjang go ema mo nakwana! Ka fao gore, makga a mantši, ka maikemišetšo a mabotse, batho ba leka go bitša batho go tloga go thato ya Modimo. Monna o swanetše go tseba gomangkanna ya gagwe e bitša. O swanetše go tseba se o se dirago, gomme o se na le tsela ya tlhakahlakano, goba go dumelala tšelete e go goga go tloga lefelong le tee go ya go le lengwe, goba botsebalegi bo e dire. Ga go kgathale gore o tsebalega bjang, o humile bjang, ka mehla o swanetše go nyaka Modimo pele, go tseba polane ya Gagwe le thato ya Gagwe.

³² Bjale, ge Latsaro a be a babja, go be go bonagala go se tlwaelege gore O be a ka se ye morago. Eupša Jesu o rile, “Ke thabile Ke be ke se kua.”

³³ Gobane, ba ka be ba Mo phegeletše, ba re, “Bjale, gobaneng O sa tle godimo *fa*? Gobaneng O sa dire *se*? Gomme gobaneng O sa mo tsoše? O tsošitše ba bangwe.” Eupša, Jesu o tsebile bokaonana. Jesu o tsebile se thato ya Tate e bilego.

³⁴ Gomme, oo, a monyetla wa go šegofala o lego, gore re kgone go tseba thato ya Tate. Ge re ka nyaka Modimo, Modimo o tla dira thato ya Gagwe go tsebja.

³⁵ Bokaone ke tsebe gore ke be ke le ka thatong ya Modimo, ge nka se tsoge ka bolela le motho yo mongwe, go feta go rerela batho ba dikete tše lesome bošego bjo bongwe le bjo bongwe, ka ntle ga thato ya Modimo. Bokaone ke tsebe thato ya Modimo. Ke a dumela gore e be e le Dafida yo a rilego, “Bokaone ke be legogwa la mojako,” ka . . . goba se sengwe, “ka ntlong ya Morena wa ka, go feta go dula ka ditenteng le bobe.”

³⁶ A monyetla, go hwetša lefelo la rena gomme fao ra dula. Ga go kgathale ka fao diabolo a šikinyago, se a se bolelago, le ka fao a kwerago, dula thwi ka go otlologa ka go thato ya Modimo.

³⁷ Elang hloko, nako yeo, ge Jesu a rile, “Bjale, o—o hwile.” Ba naganne o be a robetše. O rile, “O hwile. Gomme bakeng sa lena, Ke thabile Ke be ke se kua. Eupša Ke ya go mo tsoša.” Oo, nna! E be e se aowa, “Ke tla ya le go bona ge Nka kgona; Ke tla ya le go dira go leka.” Eupša, “Ke tla ya le go mo tsoša.” Ka gore, O tsebile, Modimo o Mmontšhitše ka pono, gore Latsaro o be a eya go tla go tšwa lebitleng lela. Gomme e be e se mošomo wa go thankha. Oo, ge Modimo a ka . . .

³⁸ Nako efe kapa efe yeo Modimo a bontšhago pono ya se se yago go direga, go ya go ba tlwa ka tsela yeo, ge pono e etšwa go Modimo. Go no swanela go ba! Ka fao nka kgonago go ema mo ka go temathero ya ka, gomme ke no tsopola godimo, diiri, tša ditaba tše ke di tsebago.

³⁹ Ke ile ditabeng moo ke bego ke tla nagana, “O Modimo, ka nnete O tla e dira,” go no ya ntle le go no leka go leka tumelo ya ka kgahlanong le yona. Eupša makga a mantši ga e šome.

⁴⁰ Eupša ge Modimo a bontšha pono, oo, nna, e no swanela go direga. E ka se palelwe. Gomme ka gobane gore O a e dira bjale, ke netefatšo ya go se ganetšege gore O sa le Mesia, gore Bomesia bja Gagwe bo bofilwe ka maswao le matete a bohlatse bja Lentšu la Gagwe la go šegofala.

⁴¹ Gomme ka gona go nagana, gore, Latsaro, ge a babja. Ga go yo a tsebago se bolwetsi bo lego go fihla o bile le bjona ka legaeng la gago mong. Gomme ke na le nneta gore yo mongwe le yo mongwe wa rena, bošegong bjo, a ka kgona go kwela Maretia le Maria bohloko. Ka fao mofepi wa bona a nnoši ba bilego le yena, kgaetšedi wa bona, o robetše a babja malaong. Gomme mohlomongwe dingaka di be di mo hlobogile. Re a rutwa gore o hwile ka ga go tšhologa madi ka maswafong, ka kgonagalo bolwetsi bja mafahla. Gomme o hwile ka seemo seo. Gomme ge a be a babja kudu, gomme ngaka e be e mo hlobogile, gomme ka gona Jesu o šitilwe go tla go mogwera wa Gagwe.

⁴² Bjale, yeo ka kgontha e be e le nako ya leswiswi. A le ka eleletša bahumagadi bale ba babedi ba babotse ba baswa ba ba romelago bakeng sa Jesu go tla, gomme O ganne go e dira? Ka morago ga ge ba tšwetše ka ntle ga kereke gomme ba ganne bodumedi bja kgale bja Orthodox, gomme ba ikarogantše bonabeng go tloga go ba bangwe badirišani ba lefase; gomme nako yeo ba be ba bea tshepo ya bona ka moka ka go Monna yo, Kriste, Yo ba mo dumetšego go ba Mesia, Kriste; gomme morago O ba nyamišitše!

⁴³ Oo, bohole re bile le yona mehuta ya maitemogelo. Ke elelwa ge la mathomo ke sokologile, ka fao batho ba ka ba nagannego ke lahlegetšwe ke monagano wa ka. Gabotse, ba rile, "Ge o boloka mohuta wola wa bodumedi, o tla ba ka lefelong la digafa mo matšatšing a se makae." O bile le selo sa go swana, sa batho ba dira metlae ka wena, gomme badirišani ba gago ba bolela gore o ile thoko ka mafelelong a go teba. Eupša ge feela tumelo ya gago e le ka go Kriste, se sengwe le se sengwe se tla tšwela ntle gabotse. O se tsoge wa tshwenyega ka seo. Gomme ke kgona go elelwa ka fao batho . . .

⁴⁴ Ke be ke tla kopana le mogwera wa ka wa mošemane, le basetsana ba baswa bao ke bego ke eya le bona, go kopana le bona mo mokgotheng. Gomme o rile, "Billy, o fetogile mopshikologimokgethwa." Ke be ke sa tshwenyege, ka gore ke be ke tseba gore se sengwe se diregile, se sengwe se diregile.

⁴⁵ Gomme, ka pelong ya ka, ke e dumetše go ba wa kgontha, wa mmapale Moya wo Mokgethwa. Mengwaga ye masomepedi nne e fetile, gomme e nno kgwaparetšwa fao bošegong bjo. Ke na le maikemišetšo a go swana go Mo direla, bjalo ka ge ke dirile bošegong bja mathomo ke Mo tshepišitše, ka go mokutwana wa dikota wola wo monnyane wa kgale. Nnete. Sengwe se swere! Diiri tša leswiswi di tlide. Dikotsi di tlide. Manyami a tlide. Lehu le

tlile. Eupša, ka sefahlegong sa lona lohle, ke khutša go kholofelo ye botse yela yeo A e boletšego, “Ke nna tsogo le Bophelo; yo a dumelago ka go Nna, le ge a be a hwile, go le bjalo o tla phela.”

Tumelo ya ka ga se ya agiwa godimo ga selo
ntle le

Go feta Madi a Jesu le toko;

Ge gohole go dikologa soulo ya ka go efa tsela,
Gona Yena ke kholofelo ya ka go dula.

Godimo ga Kriste, Leswika la go tia, re a ema;
Mafelo ohle a mangwe ke kwenamohlaba. (Ka
kgonthe!)

⁴⁶ Oo, e swanetše go ba e bile nako ya leswiswi; ge ngaka ya bona e ba šaeditše, ge mogwera wa bona a ba šaeditše, gomme Latsaro bjale o be a ehwa. Gomme letšatši la bone le tlide, gomme a tšwa madi nako ya gagwe ya mafelelo, gomme a ya go ba le Modimo. Ba mo tšeetše ntle; ba goga madi go tšwa mmeleng wa gagwe, ba bea dinoko le setlolo ka ditšikeng tša gagwe, ba mo phuthela ka lešela gomme ba mo robatša ka lebitleng. Gomme a robala fao, matšatši a mane, a hwile. Mmele wa gagwe o be o nkga.

⁴⁷ Bjale, mang le mang o a tseba gore mmele wa motho o rathagana ka morago ga e ka ba diiri tše masomešupa pedi.

⁴⁸ Ke ka lebaka leo Jesu a ilego a swanelo go tsoga pele matšatši a mararo a be a fedile. Gomme diiri tše masomešupa pedi, tshenyego e a tsena.

⁴⁹ Gomme Dafida, ka Beibeleng, o rile, mengwaga ye makgolo seswai pele Kriste a tswalwa, ka tlase ga tšhušumetšo ya Moya wo Mokgethwa. O rile, “Nka se tlogele Yena mokgethwa wa Ka go bona go bola, ebile Nka se tlogele soulo ya Gagwe ka heleng.”

⁵⁰ Ke ka lebaka leo A rilego, “Senyang mmele wo, gomme Ke tla o tsoša mo matšatšing a mararo.” O tsebile gore ga go tshenyego e tla tsenago. Ke ka baka leo A hwilego ka Labohlano morago ga sekgalela, gomme a tsoga gape ka Lamorena mosong, ke ka gobane O be a tseba ga go le sele e tee ya mmele wola wa go segofala e bego e ka kgona go kgwathwa ke go bola.

⁵¹ Ka gore, Lentšu la Modimo ga le palelwé kudu. Oo, nna! O boloka Lentšu la Gagwe, go fihla tlhakeng. “A ka se tlogele Yena mokgethwa wa Ka a bona go bola, ebile A ka se tlogele soulo ya Gagwe ka heleng.” Lentšu la Modimo la go se palelwé le ka se kgone go palelwá. Fale go robetše mmele wa Gagwe.

Nnête, batho ba a botšiša. Ba rile, “Matšatši a mararo le mašego?”

⁵² Eupša, e bile ka gare ga matšatši a mararo le mašego, O boletše. O tsebile gore e be e ka se kgone go ba matšatši a mararo le mašego ka felela, gobane tshenyego e be e tla tsena ka gare.

⁵³ Kafao, mo go be go le Latsaro, matšatši a mane a be a fetile. Nko e be e šetše e wetše ka gare, godimo ga sefahlego. Menwana e be e šetše e retologile. Diboko tša letlalo di be di thomile go nanampa ka mmmeleng wa gagwe le go ja nama ya gagwe.

⁵⁴ Oo, e swanetše go ba e bile iri ya leswiswiswi lapa le lennyane lela le kilego la e bona! Mogwera wa bona o ile. Kereke ya bona; ba be ba kgaotšwe. Kgaetšedi wa bona o be a hwile. Gomme batho ba be ba kwera le go ba sega, ge basetsana ba babedi bale ba bannyane ba dutše mmogo ka gae, le diširo tša bona tše ntsho godimo ga sefahlego sa bona, bjalo ka ge motlwae wa ka bohlabela o le. Ba dutše fale, ba lla le go sehumola, ga go tloga ga kgaetšedi wa bona. Ba be ba le fale.

⁵⁵ Ga go yo motee eupša yo a dutšego ka go mohuta woo wa legae; ga go yo motee eupša bao ba dutšego lehlakoreng la baratwa ba bona! Re a tseba, bontši bja lena le a tseba, ka fao re dulago hleng le baratwa ba rena. Roy, ke kgona go go bona o dutše ka thoko ga mošemane yo monnyane yola. Ngwanešu Roberson, ke kgona go go bona le Kgaetšedi Roberson le dutše ka lehlakoreng la mmagwe. Oo, ke ba bakae ba lena! Ke kgona go ipona nnamong ke dutše ka thoko ga le lennyane la ka, lesea le le sepetšego, la e ka ba bogolo bja dikgwedi tše seswai. Re tseba se dilo tše di lego. Oo, diiri tša leswiswi!

⁵⁶ Eupša e be e le iri ya leswiswiswi lapa lela le lennyane le kilego la e bona. Gomme e ka ba ka nako yeo, Jesu o tlie go lefelotiragalo. Ke, ka mehla, yeo ke tsela ye A e dirago. Ke ka iring ya leswiswiswi kudu, gomme nako yeo Jesu o tla go lefelotiragalo.

⁵⁷ E be e le tlasetlase ka Babilonia, mosong wo mongwe, mengwaga ye mentši ya go feta. Ge bana ba bararo ba Bahebere, bao ba tšeetšwego tlase fale, bothopša, kgole go tloga go nagalegae ya bona. Ba be ba nyamile gobane ba be ba le bothopša. Ba be ba nyamile gobane go be go se lefelo la go rapela. Eupša ba be ba sa phela therešo go Modimo. Gomme go tlie sehlopha sa bafori go bapa, gomme ba fetište kgoeletšo, gore, “Mang le mang a ka se khunamelego seswantšho,” seo se bego se le kgahlanong le bodumedi bja bona, “o tla lahlelwa ka leubeng la mollo.” Gomme kgoši, ka ntwa ya gagwe ye kgolo, a tla ntle gomme a re, “Mang kapa mang a ka se khunamelego seswantšho se, o swanetše go ya ka leubeng le la mollo gomme a tšhungwe.” Bjale, go bile le nako ya go lekwa.

⁵⁸ Gomme ka mehla go na le nako ya go lekwa. “Morwa yo mongwe le yo mongwe yoo a tlogo go Modimo, o swanetše go lekwa pele, go lekwa.” Oo, ke a e rata. Oo, ga ke e bitše, eupša, morago ga ge e fetile, e tšweletša dikenywa tše botse tša boleta. Nako ya go lekwa, ge mollo o fiša! Ka fao Mokriste yo mongwe le yo mongwe, go kgabola mabaka, o ile go kgabola nako yela ya moleko. Gomme Beibebe e rile, “Ge re ka se kgone go emela

teko yeo, re ba bana ba dihlaba, gomme e sego bana ba Modimo.” Kafao, ngwana wa kgonthe nakong ya teko, yeo ye bego e bego e le yona, ga ba sepele ka go bona. Mahlo a bona a tlhago a tswaletšwe go dilo tše di lego tikologong ya bona. Ba sepela feela ka tumelo ya Morena Jesu Kriste, ba lebeletše go Lentšu la Gagwe, le go dumela gore O tla boloka Lentšu le lengwe le le lengwe tlwa ka tsela ye A boletšego O be tla e dira. Nako ya go lekwa, diteko!

⁵⁹ Gomme re a bona, ge nako ye ya go lekwa e etla go bana ba bararo ba ba Bahebere, ba netefaditše go tshepega. Ba rile, “Re ka se khunamele seswantšho.” Oo, nna!

⁶⁰ Ka gona, kwalakwatšo ye kgolo yeo e bego e saennwe, ba ile le go ba kgobela mmogo, gomme ba gogela diatla tša bona ka morago ga bona, gomme ba ba sepediša godimo ga lepolanka le legolo, mathudi, go wela ka gare ga leuba leo le bego le na le mafaufau ka nnete a hubetše, makga a šupa fišifiši go feta ka fao le kilego la bešetšwa. Gomme ge ba be ba sa sepela go rotoga lepolanka le, ba tseba gore ka pelong ya bona, ga se ba bona ka fao Modimo a ka tsogego a e dira. Eupša ba tsebile gore Modimo o be a ka kgona go e dira. E be e le monyetla wa bona go sepela go ya lehung la bona, bjalo ka ge go bile, go boloka Lentšu la Modimo.

⁶¹ Gomme ge ba sepeletše godimo kua, mohlomongwe e be e le iri ya leswiswiswiyeo ba kilego ba e bona. Ba be ba se na le—le legae la go ya go lona, lefaseng le. Ba be ba le mathupša. Ba be ba no ba bjalo ka makgoba. Ba be ba ntšhitšwe nagalegaeng ya bona. Ba be ba se ba dumelwelwa go ya go thapelo ya phatlalatša. Ba be ba rapela medimo ya diswantšho ka nageng yeo; ka fao ba be ba sa kgone go ya go direla medimo ya diswantšho, eibile ba be ba ka se kgone go ba le menyetla ya nagalegae ya bona. Ba be ba le mathopša. Eupša, selo se tee, o ka se kgone go tlema modumedi go tšwa go Modimo wa gagwe. Aowa, o ka se kgone.

⁶² Gomme mosong woo, ge ba be ba sepelela godimo kua, ba tseba gore ba be ba eme ba nnoši le Modimo. Gomme ge ba thoma go dira magato a bona, ge ba eya godimo, mohlomongwe, iri ya leswiswiswiyeo ba kilego ba tla go yona. Gomme phišo ya leuba e thoma go gaša sefahlegong sa bona. Gomme ge ba dirile kgato ya bona ya mafelelo ya šalangbotse go lefase le, go theogela ka go leuba lela la mollo, nako yeo Jesu o tlie mmogo feela ka nako yeo. Gomme O ile tlase ka go leuba lela la mollo, a goga mopalema go tloga go mehlare ye metalaphetelela go tšwa Legodimong, gomme O futhetše mollo go tloga go bona.

⁶³ Go fihla, morago ga go swa, mohlomongwe lebaka la iri goba go feta, kgoši o ile a lapa gohle gomme o rile, “Bulang, gomme a re boneng se se diregilego.”

⁶⁴ Gomme ge ba gogetše tlase sekjurumelo se segolo sa leuba, gomme sekjurumelo se segolo sa tshipi goba sekjurumelo sa

mphiri se wetše fase, kgoši o lebeletše ka gare. Gomme o rile, “Ke ba bakae re ba beilego ka kua?”

O rile, “Re beile ba bararo ka gare.”

⁶⁵ O rile, “Go ne ba bane ka fale. Gomme yo Mongwe wa bona o bogega boka Morwa wa Modimo.”

⁶⁶ Go ka no tla leswiswi, dinako tša go fiša, go ka no tla dinako tša go lekwa, eupša Jesu ka mehla o lefelongtiragalo ge re ka no ba therešo le go tshepega.

⁶⁷ E be e le mosadi yo monnyane nako ye nngwe, yo a bego a feditše tšelete yohle ya gagwe, bakeng sa dingaka. Gomme o be a rekišitše polasa, le sehlopha, mohlomongwe. Gomme tšohle a bilego le tšona, o be a di rekišitše; le go fa dingaka, go leka go fodišwa. Ga go le o tee wa bona a bego a ka kgona go mo dira botse bjo bo itšego. Gomme ge a dutše a nnoši, mmele wa gagwe wo monnyane o be o gwamalala, gobane o be a lahlegelwa ke madi lebaka la mengwaga ye mentši. Gomme ga go selo se ka bonalago go mo thuša. Gomme fao . . .

⁶⁸ O be a kwele. Le a tseba, “Tumelo e tla ka go kwa, go kwa Lentšu.” O kwele ka tsela yela godimo ka lehlakoreng le lengwe la Galelia, go be go le Mopropfeta godimo fale, Yo a bego a fodiša balwetši. Eupša, o be a se na le tšelete ya go tshela letsha. O be a ka se kgone go hudua sekepe, ka boyena; o be a gwamaletše kudu. Gomme o be a ka se kgone go ba le tšelete ye e itšego go lefa yo mongwe gape, ka gore o be a feditše tšohle a bego a na le tšona, ka dingaka, gomme o be a sa no ba yo mobe bjalo ka ge a kile a ba.

⁶⁹ Mosong wo mongwe, ge a dutše ntle, bjalo ka ge re ka nagana, mo mathuding, ka menwana ya gagwe ye mennyanne ya go roromela, a leka go dira go roka goba go loga go gonnynane. Ge o lebeletše tlase kua, go be go le lešata le lennyane le direga tlase thokong ya lewatle. Gomme sekepe se sennyane se kgoromeleeditšwe ka gare ga mekgapa, gomme o diregile go lebelela. Gomme morago . . .

⁷⁰ O be a dutše fale, a nagana, “Bjale tšelete yohle ya ka e ile. Ke tla dira eng go latela? Re swanetše . . . go molaleng go bewa ka ntle ga legae. Bakolotwa ba šetše ba tšere yeo. Ebile ga re ne dijo go ja, le ge e le selo gape. Gomme ga ke kgone go hwetša kimologo.” Go molaleng gore e be e le iri ya leswiswiswi ye a kilego a e bona.

⁷¹ Gomme e ka ba ka nako yeo, sekepe se sennyane se kgoromeleeditšwe ka gare, gomme Jesu o tlie mmogo. O ya tlase nokeng, ka wa gagwe wo monnyane, mmele wa go roromela.

⁷² Gomme e nong go elelwa, gobane Jesu o a tla, diabolo yo mongwe le yo mongwe ka heleng o tla leka go le tloša go Yena. Yeo ke nnete. O ka no kwa Molaetša, eupša diabolo o tla dula thwi godimo ga getetla la gago, le go re, “O se ke wa theetša.

O se ke wa theetša. O se ke wa theetša.” Eupša o se ke wa mo dumela.

⁷³ O rile, “Mang le mang a ratago, a ka tla le go nwa go tšwa meetseng a Bophelo, mahala.”

O se mo theetše, gobane yena ke diabolo.

⁷⁴ Gomme mosadi yo monnyane o ile tlase moo Jesu a bego a etla godimo, gomme batho ba kgobokana go Mo dikologa, badiidi, le go ya pele.

⁷⁵ Gomme fale go eme moprista le bohole ba—ba baetapele ba bagolo ba bodumedi bja gagwe. Gomme ba be ba dira metlae ka Yena, le go re, “Aye, ke Wena Yo a fodišago balwetši, a ke Wena? Gabotse, re na le balwetši ba bantši. A re Go bone o ba fodiša. Gabotse, ke Wena Yo a tsošago bahu, a ke Wena? Re na le serapa sa mabitla se tletše godimo mo. A re Go bone o ba tsoša.”

⁷⁶ Ebile Yena ga se nke a iša šedi ya nthathana go bona. O nno sepelela pele. O bile le selo se tee go dira, seo e bile selo seo Modimo a Mmontšitše go se dira. Ga go selo bonnyane goba kudu!

⁷⁷ Ge Mokriste a fihla lefelong leo, mo a tla beelago thoko gomme e sego go theetša kgobogo yohle le dilo tseo di boletšwego, le tšohle di diregago; le go ba le maikemišetšo a matee, ke go dira thato ya Modimo, yeo Modimo o go rometše go e dira, go tla ba le letšatsi la go fapana le kereke ya go fapana.

⁷⁸ Mo o sepeletše tlase go lešaba le. Gomme Jesu o be a sepela mmogo, ka go wa Gagwe wa go nokologa, mosepelo wa go iketla.

⁷⁹ Gomme batho ba be ba kitimela go Yena, gomme ba re, “A O Moprefeta? A O se? A O sela? O re, go reng ge o ka tla godimo fa le go ntirela se sengwe? A nke ke Go bone o dira mohlolo. Re rata go Go bona o fotoša meetse go beine; jeke še e tletše ka wona. Ke tla rata go ba le ye nngwe. Ba re e be e le beine ye bose. Dira beine ye. A nke ke bone ka fao e latswegago.”

⁸⁰ Yena ga se nke ebile a phagamiša hlogo ya Gagwe. O nno tšwelapele a sepela. Seo se ntira ke Mo rate.

⁸¹ Le a tseba, go tšeа batho ba mafeelana a mannyane nthathana go baka le go ngangišana. Monna yo mogolo ga a ke a bea šedi ye e itšego go selo sa go swana le seo. Bakriste ga ba ele hloko se lefase le se bolelago, ge ba nyaka go bolela e ka ba eng ba nyakago. Ba na le. . . Ke ba bagolo kudu go ela hloko dilo tše nnyane tšela tša nthathana. Ba no tšwelapele ba eya pele, ba no ya pele.

⁸² Mosadi yo monnyane o naganne, “Bjale, ke iri e nnoši yeo nka tsogego ka Mmona; sebakabotse sa ka sa mafelelo. Sebakabotse se nnoši seo nkilego ka ba le sona. Gomme ka therešo ke a dumela, ge nka no kgon a go kgwatha kobo ya Monna yola, ke tla fodišwa.” A tumelo! A nako!

⁸³ Gomme, mo, ge lešaba le leka go mo thibela morago, o ya fase matolong a gagwe, ka tsela ye nngwe, gomme a abula go kgabola lešaba lela lohle, go fihla a kgwatha seaparo sa Gagwe. Gomme o sepeletše morago le go ema ka lešabeng.

Jesu o retologile gomme o rile, “Ke mang a Nkgwathilego?”

⁸⁴ Gobaneng, lešaba le rile, “Gobaneng, ga go yo motee a Go kgwathilego.” Yo mongwe le yo mongwe o e latotše.

⁸⁵ Gomme Petro o Mo kgadile. O rile, “Morena, yo mongwe le yo mongwe o be a swiela kgahlanong le Wena.”

A re, “Eupša Ke kwele gore maatla a tšwele go tloga go Nna.”

⁸⁶ Gomme O lebeletše tikologong go fihla A mo hweditše. Gomme O rile, “Tumelo ya gago e go pholosítše.”

⁸⁷ Iri ya gagwe ya leswiswiswiswi. Gomme Beibele e boletše, gore, “O ikwetše ka gare ga gagwe, gore taba ya go galoga sefahlego . . . ya madi e be e eme.”

⁸⁸ A Morena Jesu wa go swana o be a se fa mosong wo? Go monna a dutšego fale, ka kankere ye e gatetšegopele, go fihla a . . . Ngaka o rile, “A ka no phela lebakana le lennyane.” Gomme ge a feta aletareng, ka iring ya leswiswiswiswi a kilego a e bona, gomme metsotso ye lesometlhano o eme morago kua. Gomme o ile a swanelia go tla fa le go re, “Maikutlo ohle a boima a tlogile go nna.” Iri ya leswiswiswiswi, nako yeo Jesu o a tla go bapa.

⁸⁹ Ngwanešu Burns a dutšego godimo fale, ge . . . Mogwera wa Gagwe yo monnyane wa go ratega ka Letagong, bošegong bjo. Ka fao go bilego, o be a robetše fale, mo sepeltele fa ka Louisville, ka kankere ka go lebete. Gomme dingaka di be di mo hlobogile. Gomme Ngwanešu Wood le nna re be re le ntle ka se—se sethogweng, re tsoma dihlorana. Gomme re tla ka gare, gomme se sengwe se nkgapeleditše go ya Louisville. Gobaneng? Ga ke tsebe.

⁹⁰ Gomme ke rile, “Ngwanešu Wood, otleta thwi go dikologa khona, ke ya ga Sutcliff. Gomme ge o etla morago tikologong, o ka kgona go nnametša.” Ke letile le go leta. Ga se ke kgone go mo hwetša e ka ba kae. Gomme morago ga lebakana, ke mo etše hloko a retologa khona ye nngwe, gomme a feta hleng le mokgotha, a nagana gore ga Sutcliff e be e le mokgotha wo mongwe godimo. Ge monna a ka be feels a lebeletše, a ka be a bone ga Sutcliff go be go se fale. Gomme o šomana le ga Sutcliff. O tseba mo lefelo le lego.

⁹¹ Eupša Kgaetšedi Burns yo monnyane, yo a khutšago le Modimo, bošegong bjo, o be a eme ka legaeng la gagwe; o tšere seswantšho se sennyane sela le Morongwa wa Morena ka godimo ga sona, gomme a khunama fase pele ga sona gomme a re, “O Modimo, nthuše go hwetša Ngwanešu Branham bakeng sa monnamogatša wa ka morategi.”

⁹² Gomme o ya tlase toropong go patela pili ya mabone, a sa tsebe mo ke bego ke le lefaseng le la bophara. Gomme o tlile. Ke letile lebaka la ka godimo ga seripa sa iri. Gomme ke tšwetšepele go bona theraka e feta khona ye nngwe. Ke rile, “O lahlegile. Ke swanetše go ya godimo fale.” Gomme feela ge ke fihla khoneng, gomme o tla go dikologa khona, go nna go tsena ka therakeng, gomme feela e ka ba ka nako yeo, Kgaetšedi Burns o tla go dikologa khona.

⁹³ Gomme fale, ka thapelo ya tumelo, Modimo o fodišitše monnamogatša wa gagwe. Gomme šole o dutše bošegong bjo. E be e le mo iring ya leswiswiswi, nako yeo Jesu o tla go bapa.

⁹⁴ Re no nagana gore re lahlegile gomme re tlogetšwe. Gomme ge o fihla go ikwela . . . E no tšwelapele o swareletše. O tla ba fao. O se lape.

⁹⁵ E be e le iri ya leswiswiswi yeo Georgie Carter yo monnyane a kilego a e bona, tlase kua ka Milltown. O be a le wa kereke ye e bego e sa dumele go phodišo Kgethwa. Ba nyefotše le go dira metlae ka phodišo Kgethwa. Gomme fale mosadi yola yo monnyane a robetše ka seemong sela. Gomme Morena o boletše le nna tlase fa mo malaong, gomme o rile, “Eya tlase Milltown.” Ga se nke ka ke ka kwa ka lefelo.

⁹⁶ Ke tla go sona sefala se, gomme ke rile, “Morena o nthometše go lefelo le le bitšwago Milltown. Go na le kwana ye nnyane yeo e kgokilwe yohle godimo ka dithokgweng, gomme e llela thušo.” Ga go le yo motee yo a tsebilego fao e bego e le gona.

⁹⁷ Gomme Ngwanešu George Wright, o be a le mo mosong wo, o rile, “Ke tseba mo e lego. E no ba ka tlase ga lefelo la ka.” Ke ile tlase Mokibelo wa go latela. Ke lebeletše mogohle, gomme ka thoma kopano ka kerekeng ya kgale ya Baptist.

⁹⁸ Gomme nako yeo Mna. Hall o ntlhahletše kua go rapelela mosetsana yo monnyane yo, gomme ke mo rapeletše. Batho ba gagwe ba tlogetše ntlo. Ba be ba sa nyake selo go dira le yona, gobane kereke ya bona e be e ba boditše, “Batho e ka ba bomang,” bao ba sepeletšeego ka kopanong ya ka, “ba tla kgaolwa go tšwa kerekeng.” O be a robetše fale, mengwaga ye senyane le dikgwedi tše seswai, mpapatla ka mokokotlo wa gagwe, ebile a sa kgone go šutha. O be a llile. O be a rapetše. Go fihla, o ka kgona go ya, go fihla letsatši le, le go lebelela. Malao a gagwe a mannyane a kota, o be a phumutše pe-pe pente yohle go tloga morago ga wona, a llela Modimo, go dira se sengwe. Gomme efela, ya gagwe ya go tonya, ye fomale kereke ya tshele ga se e dumele go phodišo Kgethwa gomme e be e tla gana e ka ba mang go tla go mo rapelela ka tsela yeo.

⁹⁹ Fao tatagwe e be e le motikone, goba selo se sengwe, ka kerekeng. Mmagwe le bona, dipilara tše kgolo ka kerekeng. Gomme fao ba be ba gannwe; dikholofelo tšohle di be di ile. Dingaka di mo hlobogile, mengwaga ye mehlano pele. O be a

imela feela e ka ba diponto tše masometharo šupa; e sego selo eupša marapo. Maoto a gagwe a mannyane a be a lebega bjalo ka dikota tša leswielo. Gomme o be a robetše fale a se ne selo eupša feela letlalo godimo ga lerapo.

¹⁰⁰ Letšatši le lengwe, ke eya tlase kua... Gomme mmagwe a tšhaba; tatagwe a tloga gae. Ba be ba se na le selo go dira le lehlanya leo. Gomme letšatši le lengwe, ke sepeletše ka gare go mo rapelela, ke rile, "Mosetsana yo monnyane, a o ka rata go tsoga le go kolobetšwa Leineng la Morena Jesu, go hlatswa dibe tša gago, gomme o tla Mo direla?"

¹⁰¹ Ke ile ka swanelo go tla kgaušwi le go kwa se a se boletšego. O rile, "Ke tla dira e ka ba eng." Ke lebeletše, go robetše godimo ga sa ka... malao a gagwe, gomme fale go be go robetše puku ya ka ye nnyane, e bitšwago *Jesu Wa Go Swana Maabane, Lehono, Le Go Ya Go Ile*. Ke mo rapeletše, go bonagetše o ka re ga se e dire botse bjo bo itšego.

¹⁰² Dibeke tše pedi ke be ke swere kopano. Ke ile godimo go kolobetša godimo ka Totten Ford. Gomme letšatši leo kopano e be e fela, bošego bjoo. Gomme ge ke be ke kolobetša...

¹⁰³ Go bile le modiredi yo mongwe godimo fale yo a dirilego metlae le go nyefola tšona dikgopololo tša kolobetšo ya meetse, le go šomiša Leina la Morena Jesu Kriste. O rile, "Ge e ka ba mang wa batho ba ka yoo a dutšego ka tlase ga tente ye, ba kile ba ba tikologong ya monna, etšweng mo bjale. Ga ke nyake selo go dira le bona." Gomme Mna. Wright o diregile go be a dutše fao, gomme a ya thwi godimo gomme a tšwa. Gomme lona Lamorena la go latela...ga se ka ke ka bula molomo wa ka le go bolela lentšu ka monna.

¹⁰⁴ Gomme ke ile pele godimo kua, go lefelo go ba...go kolobetša godimo kua ka Totten Ford. Gomme ge ke sepeletse ntle ka meetseng, fao go be go eme batho go tšwa tsošeletšong ya gagwe, ba eme maribeng, go dira metlae ka nna go kolobetša Leineng la Morena Jesu. Gomme ge ke sepeletše ntle ka meetseng, e ka ba ka nako yeo Jesu o tlie.

¹⁰⁵ Fa go tla phuthego ya gagwe ka moka, ba apere diaparo tša bona tše botse, ba pshikologela ka meetseng a leraga, ba goelela, "Modimo nkgaogele!" Gomme ke kolobeditše yo mongwe le yo mongwe wa bona Leineng la Jesu Kriste, thwi fale ka go molete wola wa meetse.

¹⁰⁶ Ke ya godimo ga Ngwanešu George. Gomme Ngwanešu George o rile, "Ngwanešu Branham, etla pele go selalelo mo metsotsong e se mekae."

¹⁰⁷ Ke rile, "Ke swanetše go rapela." Ke ile godimo ka dikgweng, gomme ga se ke kgone go rapela, fa le fale. Gomme ka pelapela, ge go fihlile e ka ba leswiswi, ke lebeletše, gomme go be go le Seetša se phadima tlase go kgabola mohlare kutumpša wo

monnyane, gomme o rile, "Phagama go tloga maotong a gago, ka maoto a gago, gomme o ye ka tsela ya ba Carter."

¹⁰⁸ Georgie yo monnyane o robetše fale, a lla, gomme a re, "Oo, mama, ke ya go tlogelwa ntle. O ya go tloga lehono, gomme nka se kgone go mmona gape." Gomme yeo e be e le tirelo ya go tswalela, bosegong bjoo, ya tsošeletšo ye kgolo. O be a le fao, ka dikholofelo tšohle di ile, go lebega o ka re. Gomme e ka ba ka nako yeo, Jesu o tlie go bapa.

¹⁰⁹ Gomme mosadi yo monnyane yola a robetše fale, feela masometharo le metšo a diponto ka boima. Ge ke sepeletše ka kua gomme ka mmea ka seatla, ke rile, "Kgaetšedi, Morena Jesu o bonagetše go nna lebakanaala go feta, godimo ka lehlakoreng la thaba fale. O rile etla mo gomme o bee diatla tša ka godimo ga gago, gore o fodišwe."

¹¹⁰ Ye nnyane yela, foreime ya marapo ye e sego ya tsoga go tšwa malaong lebaka la mengwaga ye senyane le dikgwedi tše seswai...[Ga go selo go theipi—Mor.]...o eme ka maoto a gagwe gomme a kitimela go piano, gomme a thoma go raloka:

Jesu, mpoloke kgauswi sefapanong,
Fao go Mothopo wo bohlokwa,
Mahala go bohole, moela wa phodišo
Wo elago go tšwa thabeng ya Khalibari.

¹¹¹ E bile iri ya leswiswiswiyeo Georgie a kilego a e bona, morago Jesu o tlie.

¹¹² Congressman Willie D. Upshaw, mengwaga ye masometshela tshela ka go setulo sa bagolofadi, o kgoromeditšwe go tšwa holong ya khongrese, go bewa ka morago ga lefelo. O be a rapeletšwe, makga a makgolo. O be a le motlatšamopresidente wa Mokgatlo wa Baptist wa borwa, Baptist ya Borwa. Monna yo mogolo, monna wa go makatša, monna yo a ka bego a be a le Mopresidente ka United States, ka 1926, ge nkabe a ile a rekiša tokelotswalo ya gagwe. Eupša, o ile a hloya wisiki. Gomme o kitimetše godimo ga thekethe ya go iletša, ge phathi ya Democrat e ka be e mo kgethile. Ba rile ba tla dira, gomme ba ka be ba e dirile. Ka gore, a ka be a kgonne go e dira ga bonolo. O be a ratwa gabotse.

¹¹³ Eupša o rile, "Nka se fetolanye tokelotswalo ya ka, go ba Mopresidente wa lefase." Haleluya! Modimo re fe banna ba go swana le bao, ka White House ya rena mo. Ee, mohlomphegi. O be a tla robala bjang gona bjalo ka segole? Mokokotlo wa gagwe o robegile, ge e sa le a be a le bogolo bja mengwaga ye lesomešupa, gomme o be a le masomeseswai tshela.

¹¹⁴ Gomme bošego bjo bongwe, mošola, pele ga dikete tše masome tša batho, ge Roy Davis a mo rometše ntle kua. Gomme o mo sepedišeditše ka gare ka go setulo sa bagolofadi, morago ga ge Roy a mo rapeletše, le makgolo a ba bangwe. Gomme ga se ka ke ka kwa ka monna, ka bophelong bja ka. O be a le fao, a dutše

morago kua, feela ka kopanong ye nngwe. Ke sepeletše godimo sefaleng. Gomme e ka ba ka nako yeo, ke lebeletše, gomme ke bone mokgobo wa mabjang, gomme mošemane yo monnyane a bapala. Ge Moya wo Mokgethwa o thoma go utolla, O mo šupile le go mmotša o be a le monna wa khongrese, le gore Jesu Kriste o mo dirile a welwe ke maruru.

¹¹⁵ Fale, yena, segole, mengwaga ye masometshela tshela godimo ga setulo sa bagolofadi, bogolo bja mengwaga ye masomeseswai tshela, iri ya leswiswiswiswi a kilego a e bona. Dikholofelo tšohle di be di ile, bakeng sa phodišo ya gagwe. Morago Jesu o tlile mmogo. Gomme monna, o be a le ka setulong sa bagolofadi lebaka la mengwaga ye masometshela tshela, o tsogile le go kitimela sefaleng, ka bogolo bja mengwaga ye masomeseswai tshela, gomme a kgwatha maoto a gagwe, gomme a tabogela godimo le fase. Gomme o eme ka kopanong ya Billy Graham gomme o opetše *Ke Ithekgile Mo Matsogong A Gosafelego*, mo ditepising tša White House. Iri ya leswiswiswiswi, ka gona Jesu a tla.

¹¹⁶ E be e le iri ya leswiswiswiswi Abraham a e bonego, ge a be a le mengwaga ye lekgolo ka bokgale, ka gona Jesu o tlile.

¹¹⁷ Bošego bjo bongwe ka morago ga go rera nako ye telele, O rometše barutiwa ba Gagwe kgole. Gomme ba tsene ka sekepeng gomme ba ile ntile le Yena. Gomme go be go lebega o ka re, gore, ge A dirile, ka gona o ntile ka lewatleng, sekepe se sennyane se be se le. Gomme ledimo le lennyane la tla godimo. Gomme diabolo o rile, “Ke ba tlošitše go Yena bjale. Ke na le bapshikologibakgethwa ba kgole go tloga go Mong wa bona. Ke tla bona gore ba tla tsea Molaetsa wo mokae go ya lefaseng lohle. Ke tla nweletša yo mongwe le yo mongwe wa bona ntile mo.”

¹¹⁸ Kafao, fao go tlile ledimo le legolo. Diabolo o thomile go hlwerenya mohemo wa gagwe, gomme ledimo le tlile godimo. Gomme sekepe se sennyane sa thoma go pampela godimo le fase, ka mokgwa wo. Diseila di robegile. Mahuduo a robegile. Sekepe se tladitše meetse. Gomme e be e le nako ya leswiswiswiswi. Ntle le pelaelo ba be ba swarane seng sa bona go dikologa letheka, gomme ba lla. Ba naganne, “Oo, O ile kae? Go diregile eng ka Yena? Gobaneng re se ra leta le go Mo tsea le ren? Gobaneng re se ra ba le Yena ka sekepeng?”

¹¹⁹ Gomme makga a mantši, o ka no nagana selo sa go swana. Mogwera wa ka, o ka no ba o tlogile ntile le Yena, eupša, elelwa, O sa go šeditše. O tseba thwi moo o lego. Ba ka no ba bothata ka lapeng la gago. Go ka no ba bothata ka soulong ya gago. Go ka no ba bothata ka mmeleng wa gago. E ka ba eng e lego, o se tshwenyege. O ne mahlo a Gagwe go wena. O go šeditše.

¹²⁰ O nametše godimo ntlhoreng ya thaba. O be a lebeletše ntile kua, gomme O bone boradia bjo bongwe le bjo bongwe diabolo a bego a bo bapala. Haleluya!

¹²¹ O be a se a namela feela, eupša O ile a namela mabototšireletšo a Khalibari; e sego feela go Khalibari, eupša le mabototšireletšo a Letago. Gomme O dutše bošegong bjo, ka Bogošing. O lebelela fase lefaseng. Ga go le ge e ka ba le—le lephothwana le ka kgonago go tla godimo ga meetse ntle le (Yena) ge e le ka tumelelo ya Gagwe; lewatle ga le kgone go šutha; letlakala ga le kgone go šutha; nonyana e ka se kgone go fofa. Oo, Leina la Morena le šegofatšwe!

¹²² O ka godimo ga mebušo yohle le maatla. Lefase le Mo dirile leina la fasefase le ka kgonago go tlišwa; Modimo o Mo fa leina la godimodimo le ka kgonago go fiwa. Lefase le Mmeile fase ka mo ba bego ba kgona go Mo hwetša, ka lebitleng la sebe; eupša Modimo o Mo tsošeditše ka Godimo ga godimodimo. O godimo kudu go fihla A swanetše go lebelela fase go bona Legodimo.

Leihlo la gagwe le godimo ga phorogohlo,
Gomme ke a tseba O ntšheditše.

¹²³ O go šeditše. O tseba kgopolole ye nngwe le ye nngwe yeo e lego ka monaganong wa gago. O tseba tiro ye nngwe le ye nngwe o e dirago. O tseba se sengwe le se sengwe ka wena. Yeo ke nnete.

¹²⁴ O re, “Eupša, ke kgelogile, Ngwanešu Branham.” Seo ga se dire nthathana ya phapano. O tseba feela tlwa se o se kgelogetšego. O tseba feela tlwa moo o lego.

¹²⁵ O re, “Gabotse, Ngwanešu Branham, ke tlogile ntle le Yena, le nna. Ke bile le sebakabotse, nako ye nngwe, go bolela. Ke bile le sebakabotse, nako ye nngwe, go—go ba Mokriste. Ke bile le sebakabotse. Moreri o dirile pitšo, gomme ke be ke swanetše go be ke ile. Ke e lekile gatee, eupša ke šitilwe. Ke dirile *se, sela.*” Ga go kgathale se o se dirilego, O sa ne leihlo la Gagwe godimo ga gago.

¹²⁶ Barutiwa bale ba tlogile ntle le Yena. Gomme iri ya leswiswiswiswi, ge diabolo yola a ba tlošitše fale, kgole go tloga go Bogona bja Gagwe, o thomile go ba kgeregela.

¹²⁷ Mohlomongwe seo ke se a se dirago go wena bošegong bjo. A ka no go fa kankere. A ka no go fa *se*. A ka no go fa *sela*. A ka no go fa legae le le thubegilego. A ka no go fa pelo ya go gagoga. A ka no go fa matshwenyego. A ka no go fa go opa ga hlogo. Ga ke tsebe se a tla se dirago. Eupša go ne selo se tee ke se tsebago, gore Modimo o sa ne leihlo la Gagwe go wena. Ye e ka no ba iri ya gago ya leswiswiswiswi. Ga ke tsebe; Modimo o a dira.

¹²⁸ Eupša feela ka go iri yela ya leswiswiswiswi, ge ba be ba no ba komana go ya tlase, nako yeo Jesu a tla a sepela, go tšwa meetseng, feela gohle a a hlobaele. Maphotho a magolo a ile a no alega pele ga Gagwe, ge A be a sepela go bapa.

Petro o rile, “Morena, ge yoo e le Wena, nthere ke tle go Wena.”

O rile, “Etla pele. Sepelela ntle mo.”

¹²⁹ “Kgopelang, gomme le tla amogela; nyakang, gomme le tla hwetša; kokotang gomme le tla bulelwa. Ka gore yo mongwe le yo mongwe yo a kokotago, go tla bulwa; yo mongwe le yo mongwe yo a nyakago, o tla hwetša.” Nnete. O sa šeditše. Gomme selo sa go tlabu ka ga yona, ge barutiwa bale ba be ba hloka thušo le go hloka kholofelo, gomme ge Jesu a tlide go bona, e bile selo se nnoši seo se ka go ba thuša, gomme ba be ba Mmoifa. Ba be ba Mo tšhoga.

¹³⁰ Gomme ke re lehono, mogwera, gore ge ditšhaba di šitilwe, gore ge batho ba šitilwe, ge ditšhaba di šitilwe, moo kereke e šitilwego, moo se sengwe le se sengwe gape se šitilwego, go bonala eke re ile ka go felela. Gomme bontši nako efe kapa efe, iri efe kapa efe, o kgona go kwa kgoeletšo, gomme o be o ka se kgone go kgabola kgoeletšo go fihla lefase lohle le tla fedišwamoka. Yo a thenkgollago dipomo o tla e dira. Seo ke sohle o swanetšego go se dira, feela o tee. Ga ba swanelo go tloga Moscow. Ba ka kgona go dula thwi fale le go lahlela e tee go Fourth Street, ka Louisville. Gomme re ka kgona go ema thwi mo le go lahlela e tee ka Moscow, le rena.

¹³¹ Gomme go ya go ba eng ge dikepe tše kgolo tše di letše ntle ka lewatleng ka mokgwa wo, ka tšona dirokete tše di katišitšwego thwi godimo ga tšona ditoropokgolo? Yo motee ka lehlakoreng le, a katiša ka tsela *ye*; gomme yo motee ka lehlakoreng le, a katišaka tsela *yela*. Wa pele o a kgwathago, ba ba tla kgwatha ka tsela yeo.

¹³² Go ya go direga eng? Ke botse bofe legae la gago le yago go bo dira gona? Ke botse bofe tšelete ya gago e yago go go direla gona? Ke botse bofe lesogana la gago le yago go go direla, goba lekgarebe la gago le yago go go direla? Ke botse bofe e ka ba eng e yago go go direla? Ge o se wa loka le Modimo, o ile, bakeng sa nako le Bokagosafelego.

¹³³ Ye ke iri ya leswiswiswi lefase le kilego la e lebanya go tloga mathomong a nako. Ga se gwa ke gwa ba nako ka go histori yohle ya lefase e lego leswiswi bjalo ka ge e le gonabjale.

¹³⁴ Kankere e ka lešumathong. E no nagana, gore . . . Ke kwele setatamente letšatši le lengwe, pili boka ye, “Gore go tla ba batho ba bantši ba hwago ka Amerika ngwaga wo, go tšwa go kgogeng disekerete, sehlola kankere, bao ba tla hwago ngwaga wo ka Amerika, go feta ba kilego ba bolawa ka go mengwaga ye mene ya Ntwa ya Korea.” Kankere e ka lešumathong.

¹³⁵ Malwetsi a a direga, gomme se sengwe le se sengwe se a direga. Gabotse, ga re tsebe re ka letela eng. Dingaka ga di tsebe ba bitše malwetsi eng, kafao ba re ke ona dibaerase. *Baerase* ke eng? Botšiša ngaka. Ke se sengwe seo a sa tsebegi selo ka sona, o no re, “Ke baerase.” Seo ke sohle se lego.

¹³⁶ Go na le dithwakga tše nnyane tša kgale le matimone a fofago ao motho a sego a ke a a kwa pele. Selo se sengwe le se sengwe

se a šutha. Se sengwe le se sengwe, re leka go e tataganya ka dilo tša tlhago. Eupša, ge re leka go dira se, e robaganya se sengwe gape. Yeo ke nnete. O fa monna phenisilini bakeng sa *se*, e tla bea godimo se sengwe gape. O fa *se*, ke . . .

¹³⁷ O no ba gohle o le ka ntle ga tsela. Modimo o na le tsela, le rena re ka no tsena ka go yona.

¹³⁸ Dikereke di šitilwe. Mapresbyterian ba a šitwa. Methodist e a šitwa. Baptist e a šitwa. Pentecostal e a šitwa. Pilgrim Holiness e a šitwa. Church of God e a šitwa. Re na le, ye nngwe le ye nngwe, e šitilwe. Yeo ke nnete. O ka se re, “Ke nna Momethodist,” gomme wa dira go bolotega. O ka se re o Mobaptist gomme wa dira go bolotega; Momethodist, goba Mopresbyterian, eng kapa eng o ka bago yona, goba Mopentecost. O ka se re o bolokegile, ga se wa kereke, gobane kereke e šitilwe wa go šokiša.

¹³⁹ Bolwetši bo ka lešumathong le lebjalo go fihla, ke a dumela, tlhano go tšwa go seswai, goba se sengwe boka seo, ba tla hwa ngwaga wo, go tšwa go kankere. Naganang ka yona. Gomme malwetši a mehuta yohle, malwetši a maswa, le dilo di tšwelela, tše di no go šiša go nagana ka tšona.

¹⁴⁰ Difatanaga di a bolaya. Gomme letšatši le lengwe le le lengwe, batho ba otlela go theoga tsela ka letšhogo, le go goelela.

¹⁴¹ Gobaneng, ke be ke sepela go theoga mokgotha ka Louisville, maabane, gomme mosadi o be a eya go mphasola go tloga mokgotheng. Ke be ke sepela go bapa ka mokgwa *wo*, gomme mosadimogatša wa ka o be a na le nna, gomme ke kwele yo mongwe ka morago ga ka. Le—le lešaba le be le no. . . Gomme mosadi tsoko wa go lebega botlaela, ka go kgoga sekerete, o rile, “Gabotse, bjale, ge o sa tsebe ke lehlakore lefe la mokgotha o nyakago go sepelela pele, tloga mokgotheng.”

Ke rile, “Gabotse, mohumagadi . . .”

O rile, “Homola!” Ke lena bao. Ke lena bao.

¹⁴² Ke eng? Ke ditseketseke. Ke tlhaologanyong. Gomme dingaka di tleleima gore ba senyane go tšwa go Maamerika a mangwe le a mangwe a lesome ba tlaišega ka tlhaelole ya monagano. Le boramenagano, ba ba swanetšego go ba bahlatholli ba monagano, ba a hlanya ka bogafa. Ba ba kgoka ka dihaka tše kgolo, ka lefelong la digafa.

¹⁴³ Bogafa bo mo mosepelong. Go kata go mo mosepelong. Wisiki e mo mosepelong. Šebe se mo mosepelong. Tiro ka morero e mo mosepelong. Ga go tsela go e emiša. Bokomonisi bo swiela boka lefula. Ga go tsela ya go bo emiša, ka baka la gore ba ka mmušong le kae kapa kae gape.

¹⁴⁴ Oo, eupša, go šegofala go be go Modimo! Feela ka go iri ye ya leswiswiswiswi, nako yeo mo go tla Jesu a sepelela ka gare, ka seatla sa Gagwe se otlollotšwe, le go bontšha maswao le matete, le go fa phološo le kgaogelo go batho. Iri ya leswiswiswiswi lefase

le le kilego la e bona! Ge, leswika la Gibraltar le tla rathagana ka diripana, letšatši le lengwe. Eupša, Leswika la mehleng le tla ema neng le neng, bjalo ka segopotšo go tsogo, Kriste.

¹⁴⁵ Modimo a le šegofatše lena batho! Modimo a le šegofatše, bana! O ka no ba o diila. O ka no ba o sa tsebe mo dijo tše di latelago di tšwago. Eupša, go ne selo se tee, o no ba o amogetšwe mo Mothopong wa Bophelo bošegong bjo, bjalo ka monna wa mohumihumi ka lefaseng. O tla ntle le tšhelete, ntle le tefo. O bulegile go mang kapa mang a ratago.

¹⁴⁶ Ke iri ya leswiswiswi kudu yeo lapa le kilego la e bona. Lebelelang malapa a thubegile. Go dithhalo tše ntši ka Amerika, e nnoši, go feta go le ka lefaseng lohle le beilwego mmogo. Tlhalo e lešumathong. Ke kae mo go nago le potego le—le tlhokofalo le bosadi bja basadi ba rena ba Amerika bo ilego? Lebelelang banna, gomme tšohle ba di dirago ke lebelo mo ditseleng, ba leka go thula se sengwe le se sengwe tseleng ya bona, ba kgonago, go ya tlase, le go nwa piri pele ba eya gae.

¹⁴⁷ Lebelelang basetsana ba rena ba baswa ba mengwaga ya mahlalagading ba etla go theoga mokgotha, disekerete ka diatleng tša bona. Gomme kafao ga go kgathale ke bontši gakaakang saense ya kalafo e beago ntle tshebotšo, “Ke kankere! Ke kankere!” Ga ba tshwenyege. Ga ba tshwenyege. Ba tla di maula thwi, go le bjalo.

¹⁴⁸ Moreri a ka kgora go ema le go rera go fihla a lapa, le go ba botša ke phošo, gomme ba tla re, “Oo, wena lehlanya la kgale.” Lefase le loketše kahlolo, gomme re ya go e amogela. Maraka lentšu la ka, go ka se be botelele kudu go fihla go eya go ba se sengwe se diregago.

¹⁴⁹ Ge ke bone tsošeletšo ye, e swietšwe mo nakwaneng. E ile godimo. Gomme go emeng fale, Naledi yela ya Moso e lekeletše tlase nokeng, mengwaga ye masomepedi le metšo ya go feta, ge A rile, “Molaetša o tla swiela lefase.” Gomme go bile le ya fešene ya kgale, tšhollontle ya Pentecostal ya Moya wo Mokgethwa, gomme mello ya tsošeletšo le ditirelo tša phodišo di khupeditše lefasepharephare.

¹⁵⁰ Ba dirile diphošo tše ntši. Kuranta e ngwadilwe mo, e sego telele go fetile, ka McCrall, goba, boMcCall, ge monna yola a tšhošeditše kopano ya ka godimo fale ka Minneapolis, ba bangwe ba bona, Mna. Peterson le bona, ba tlide ba mpotša gore o be a le ka kopanong. Ke rile, “Ga go pelaelo le gannyane. Eupša ga se nke wa puruputša diathekele tša gago gabotse. O rile A. A. Allen o ngwadile puku yeo. Gomme A. A. Allen o be a se na le selo go dira le yona. Ka gona, ge yeo e be e le phošo ye bjalo, ke a dumela ka moka ga yona ke phošo ye ntši.” Ke rile, “Therešo, baena ba ka no swanelia tshwaswalatšo ye ntši kudu. Ba dirile diphošo tše ntši. Seo se lokile. Eupša, ngwanešu, bokaone ke hwetšwe mo lepatlelong la ntwa, ke dira diphošo, go feta go ba moswaswalatši

wa monna yo a lekago go dira disoulo di phološwe go Modimo.” O dira eng ka yona?

¹⁵¹ A go šegofatšwe Leina la Morena Modimo! Maatla a Morena Jesu Kriste a no ba go lekanelo bošegong bjo. Ke Leswika le nnoši. Ke kholofelo e nnoši. Ke Tumelo e nnoši. Gomme Kriste o E neetše go wena.

¹⁵² [Ga go selo go theipi—Mor.] . . . gomme ba phela, goba ba retologa go tloga gomme ba hwa. Ke iri ya leswiswiswi lefase le kilego la e bona. Eupša Jesu o tlie mmogo, gomme O mo bjale. Ditšhegofatšo tša Gagwe di bulegile. Lehlekore la Gagwe le a hlabiwa. Diatla tša gagwe di a obeletša. “Gomme mang le mang a ratago, a ka tla le go nwa go tšwa methopong ya Bophelo, mahala.” O dira kgetho ya gago. Mafelelo a gago a ka Gosafelego a tla—a tla bewa godimo ga mokgwatebelelo wa gago go Jesu Kriste. Se e ka no ba sebaka sa gago sa mafelelo.

¹⁵³ Gomme ge re inamiša dihlogo tša rena bjale feela bakeng sa lentšu la thapelo, ke tla kgopela kgaetšedi go tla go piano.

¹⁵⁴ Gomme ge motho yo mongwe le yo mongwe a sa le ka thapelang, ke nyaka le nagane go e fetša. O ka ya kae bošegong bjo? Go tla direga eng bošegong bjo ge tlhaselo ya pelo e ka go ratha? Se e ka no ba sebakabotse sa mafelelo o nago naso. E nagantšiše bjale. Selo ke, a o ka se tšee sebakabotse se?

¹⁵⁵ O re, “Gabotse, ke mokgwa wa go ba moswa.” Oo, ngwaneshu, kgaetšedi, ga A hlomphe mengwaga. O ka kgona go tshela mothalo ge o le yo moswa goba ge o tšofetše; ga go tshwenye. Le a bona?

¹⁵⁶ Tate wa rena wa Legodimong, Molaetša wo bjale re o fago go Wena, Leineng la Kriste. Ke iri ya leswiswiswi lefase le e bonego. Ke nako ya leswiswiswi yeo histori ya motho e kilego ya ngwalwa. Go na le dimisaele ka moyeng, dipiring tša go fofo, ba a di bitša.

¹⁵⁷ O rile, “Go tla ba le maswao legodimong; gomme ka lefaseng, ditšhišinyego tša lefase tše kgolo di šišinyega ka mafelong a go fapano, methuthupo ya bolekheno; maphotho a magolo ka lewatleng.” O rile, “Lewatle le a rora. Pelo ya motho e a palelwa.” Therešo. Lefase ga le tsebe le dire eng. Pomo ya mathomo ya athomo e a e bolela. “Nako ye thata, tlalelo magareng ga ditšhaba.” O rile, “Ge dilo tše di etla go phethega, gona phagamišang hlogo ya lena, Topollo ya lena e batamela kgauuswi.”

¹⁵⁸ Ge ke nagana ka mošola, Bajuda bale. Ke bona naledi yela ya kgale ya ntlha tše tshela ya Dafida, folaga ya kgalekgale lefaseng, e lekeletše mošola. Gobaneng ditšhaba di sa kgone go e bona? Gomme go nagana, gore setšhaba sa rena sa go ratega se ya go kgokagana le Maarapo, go bonala eke. Ba tla rogakwa, feela ka kgonthe. Ba ganne kga—kga kgaogelo ya Modimo, bjale ba swanetše go emela kahlolo. Bonang folaga yela

ya kgale e lekeletše mošola! Bonang leganata le etla pele boka rosa e khukhuša! Bonang Bajuda bale ba etla morago go tšwa tlasetlase ka Iran, ba bile fale lebaka la mengwaga ye makgolo a masomepedi tlhano! Beibele e rile ba tla rwalelwā morago Jerusalema diphegong tša ntšhu. Go bona United Airlines e kgolo e ba tliša morago godimo ga diphego tša ntšhu, bjalo ka ge go bile. Bona ba fologa dikepe, gomme ba lebeletše, gomme ba re, “Mesia o kae?”

¹⁵⁹ O rile, “Ge mohlare wa mogo o khukhuša, le a tseba selemo se kgauswi.” Re a bona o a khukhuša. Gomme re bona mehlare yohle ye mengwe e khukhuša. Re a tseba go kgauswi. Re bona Ishmaele le Isaka, mošola mo kgorong, ba swarane ka mogolo, feelsa bjalo ka ge O boletshe. Seprofeto se sengwe le se sengwe gonabjale se a ratha. Modimo, eba le kgaogelo gomme o phološe balahlegi.

¹⁶⁰ Ge go ka ba yo motee fa bošegong bjo, Morena, Yo a Go hlokago, bolela le ya gagwe goba pelo ya gagwe feelsa bjale, ka gore e ka no ba gore ke iri ya leswiswiswi. Le ge re ka no se e lemoge. Go ka no ba ba bangwe mo ba ba sa lemogego gore ye ke iri ya leswiswiswi, eupša ke yona. Sathane a ka no ba a ba phitsiša ka dilo tša lefase, go fihla ba sa e lemoge.

¹⁶¹ O rile, ka Beibeleng, “O hlobotše, o madimabe, o a nyamiša, o foufetše, gomme ga o e tsebe.”

¹⁶² Modimo, efa, bošegong bjo, gore banna le basadi, bašemane le basetsana, ba ka no tla go bonabeng le go lemoga gore ye ke iri ya leswiswiswi lefase le kilego la e bona. Bjale e fe, Morena, gore ge go ka ba e ka ba mang fa yo a sa Go tsebego, gore ba tla tla ka bose le go kokobela go sefapano, bošegong bjo, le go amogela Kriste bjalo ka Mophološi wa sebele.

¹⁶³ A go na le mokgwatebelelo wo mobjalo, ka dihlogo tša rena di inamišitšwe, gore le ka rata go gopolwa ka thapelong ge re tswalela tirelo? A o ka phagamišetša seatla sa gago go Modimo, le go re, “Nkgopole.”

¹⁶⁴ Modimo a go šegofatše. Modimo a go šegofatše. Modimo a go šegofatše, le wena, le wena, le wena. Modimo a go šegofatše morago fao. Le wena, mohumagadi, ee. A go ka ba yo mongwe feelsa pele ga go tswalela? Modimo a go šegofatše, lekgarebe.

¹⁶⁵ O re, “Ngwanešu Branham, a seo se ra e ka ba eng ge ke phagamiša seatla sa ka?” Go no ya le se o bego o se ra.

¹⁶⁶ A le a tseba, ge o phagamiša seatla sa gago, o emelana le molao wo mongwe le wo mongwe wa saense? A o a tseba seatla sa gago se swanetše go lekelela fase, kgogedi ya lefase e se swara mobung? Le a tseba, ge o phagamišetša seatla sa gago godimo, gore go bontšha gore go ne se sengwe sa kagodimogatlhago, ka go wena, se dirilego sephetho? Se sengwe seo e sego sa tlhago. Se sengwe seo e sego sa saense. Ke moyo wo o lego ka go wena, o go dirile o robe kgogedi ya lefase, ka Sephedi sa

kagodimogatlhago ka go wena, o phagamišetše seatla sa gago go Modimo wa Legodimo, gomme o re, “Bjale ke amogela Jesu bjalo ka Mophološi wa ka.” A o a tseba ke moyā ka go wena o dirago seo? O ka se kgone go e dira wenamong. Seo ke se e se rago, phapano gare ga Bophelo le lehu.

¹⁶⁷ Ge o le phošo, phagamišetša seatla sa gago go Yena. Ge eba A bona phorogohlo, O a go bona. Nnete.

¹⁶⁸ Bjale, ge o sa le thwi ka setulong sa gago. Ge o nyaka go tla aletareng le go rapela, go tšwa go wena. Ge o nyaka go dula ka setulong sa gago, re ya go go rapelela. O ka kgona go dira kgetho ya gago ya tsela ye o nyakago go rapela. Modimo o tla kwa. Go e ka ba tasene ya diatla godimo.

¹⁶⁹ Bjale, ge o kganyoga, gomme o nyaka Modimo go go direla, thwi fao O go file phenyego, thwi go lefelo lela la go swana, O tla tloša phenyego kgole go tloga go wena. O tla tšea kahlolo ya gago godimo ga Gagwemong. Gomme O šetše a e lefile.

¹⁷⁰ Gomme O tla re, “Tate, bea sekoloto sohle sa gagwe go sa Ka. E rarologile.” Modimo gona o tla go fa Moya wo Mokgethwa, thwi moo o lego.

¹⁷¹ A ka kgonthe o be o e ra ge o phagamišitše seatla sa gago? Ge o dirile, bjale a re rapeleng.

¹⁷² Mošegofatšwa Mophološi, ga ke tsebe feela gore bošego e ya go ba theroyaka ya mafelelo. Ke nyaka go rera ye nngwe le ye nngwe feela boka e bile ya ka ya mafelelo. Ka gore ga ke tsebe gore O ya go bolela neng, “Gohle go fedile bjale. Etla Gae.” Ke a rapela gore O mpoloke. Ke nyaka go dula, go rera Lentšu. Ke bona tlhokego ya Ebangedi, le khuetšo ye E nago le yona godimo ga batho. Eupša fa ka nageng ye botse ya renabeng ya Amerika, re bone bontši kudu bja bonolo, mahumo, tšhelete, se sengwe le se sengwe.

¹⁷³ Oo, re no se kgone go ya pele ka mokgwa wo, gomme bontši bja lefase bo a hwa ka tlala. Re fepsa gabotse le go apešwa, gomme re beng ba magae a renā, dikoloi tša renā. Ga re hloke selo, gomme ga re tsebe gore re “a nyamiša, madimabe, re foulfetše,” go bolela semoyeng, “go hlobola,” ntle le Madi a Morena Jesu. Le ge, re ka ba le boleloko bjo bogolo ka kerekeng. Re ka no ba le boemo bjo bogolo bja leago ka boagišaning. Re ka no apara bokaonana, ra ja bokaonana. Eupša, O Modimo, ka soulo yeo!

¹⁷⁴ Bjale, ka go iri ye ya leswiswi, O sa le mo, gobane O bea phenyego godimo ga dipelo. Go bile le diatla tše mmalwa, ke a thankā, tasene; nka no ba ke le phošo. Go ka no ba go bile bontši goba bonnyane. Ga ke tsebe, Morena, eupša Wena o tseba yo mongwe le yo mongwe wa bona.

¹⁷⁵ Gomme bjale, ka potego, ka go thapelo ya go tswalela, ke ba tliša ka bose le go kokobela go maoto a Gago, bjalo ka

ditholanakgopololo tša theroyaka bošegong bjo, bjalo ka kenywa ya Molaetša. Ke ba tliša go Wena, Morena, ge ba phagamiša seatla sa bona go nna go ba gopola ka thapelong. Gomme ba khunamile bjale ka pelong ya bona, mo sefapanong. Ba amogele, Tate. Ba tsee bjalo ka bana ba Gago ba go ratega. Gomme kae kapa kae mo ba yago kerekeng, kae kapa kae e ka bago, oo, a nke ba be bahlabani ba thapelo. A nke ba be bathopa soulo; ba šome, ka gore bošego bo a tla. E fe, Tate. Ba tseele ka tlhokomelong ya Gago, gomme ba šegofatše le go ba fa tlhogoloye kgolo ya pelo ya bona. Gomme a nke Moya wo Mokgethwa wa go šegofala o tlatše bophelo bja bona. Ka gore re e kgopela Leineng la Kriste. Amene.

¹⁷⁶ Ke ba bakae ba ratago Morena Jesu ka pelo ya bona yohle? Oo, a Yena ga a makatše? Ke ba bakae ba no ikwelago go pitlelwa ntle? Go no swana le ka fao Morena a bego a sa tšwa go tla tlase gomme a tsea poratše ya Gagwe ye kgolo ya go koropa gomme a no e koropa yohle. Oo, nna!

¹⁷⁷ Re fe tshune ka yeo ya kgale, ke a dumela, pina ya Salvation Army, “Ke eng e ka kgonago go hlatswa go tloša sebe ka ka sohle? Ga se selo eupša . . .” [Phuthego e re, “Madi a Jesu.”—Mor.] “Ke eng e ka ntirago go thakgafala gape? Ga se gona eupša . . . [“Madi a Jesu.”] Yeo ke nnete. A re e opeleleng, bohle mmogo, bjale.

Ke eng e ka kgonago go hlatswa go tloša sebe
sa ren?

Ga go selo eupša Madi a Jesu;
Ke eng e ka ntirago go fola gape?
Ga go selo eupša Madi a Jesu.

Oo, wo bohlokwa ke moela
Wo o ntirago wo mošweu wa leswele;
Ga go mothopo wo mongwe ke o tsebago,
Ga go selo eupša Madi a Jesu.

¹⁷⁸ A seo ga se makatše? Le rata dipina tšela tša kgale? Oo, nna! Ke nyakile go bona se sengwe bjale. Ke ofe wa lena . . . Mamethodist ohle išang seatla sa lena godimo. Gabotse. Mabaptist ohle išang seatla sa lena godimo. A go na le Pilgrim Holiness? Išang seatla sa lena godimo. Nazarene? Iša seatla sa gago godimo. Church of God? Iša seatla sa gago godimo. Presbyterian? Iša seatla sa gago godimo. A go ka ba le Mokatoliki? Iša seatla sa gago godimo. E no lebelela dikereke tša go fapana ka mo!

¹⁷⁹ Bjale ge re sa opela yeo gape, ke eng e dirago Presbyterian go fola? E sego selo eupša Madi a Jesu. Ke eng e dirago Methodist go fola? Ga go selo eupša Madi a Jesu. Ke eng e dirago Nazarene go fola? Ga go selo eupša Madi a Jesu.

¹⁸⁰ Ke eng e dirago . . . ? Ke Mapentecostal a makae? Ke lebetše go botšiša seo. Ke Mapentecostal a makae ka fa? Phagamiša seatla sa gago. Bjale batho ba a bona. Ba bolela gore re kereke

ya Pentecostal. Go bile le diatla tše tlhano di ile godimo, bakeng sa Mapentecostal. Ke lena bao.

¹⁸¹ Ga se rena Pentecostal, ka go kerekeleina. Ke rena Kereke ya Modimo yo a phelago. Re no ba bana ba Modimo. Re Mapresbyterian. Re Mamethodist. Re Mabaptist. Re Malutheran. Re Nazarene. Re Mapentecostal. Re Pilgrim Holiness. Re bohole ba bona. Gobane bohole re batee, ka go Kriste Jesu. Ke eng e e dirilego? *Se!*

Ke eng e ka hlatswago sebe sa ka?
 Ga go selo eupša Madi a Jesu;
 Oo, ke eng e ka ntirago go fola gape?
 Ga go selo eupša Madi a Jesu.
 Oo, wo bohlokwa ke moela
 Wo o ntirago wo mošweu wa leswele;
 Ga go mothopo wo mongwe ke o tsebago,
 Ga go selo eupša Madi a Jesu.

¹⁸² A Yena ga a makatše? Ee, mohlomphegi! Bjale ge re sa opela, *Tlase Sefapanong*, ke nyaka Methodist, le Baptist, le Presbyterian, le Pentecostal, le Nazarene, bohole go šišinyana diatla seng, go lokile, ge re sa e opela.

Tlase sefapanong moo . . .

Retologa thwi go dikologa bjale, šišinya diatla le yo mongwe.

Tlase moo bakeng sa tlhwekišo . . .
 Fale Madi a tloditšwe pelong ya ka;
 Letago go Leina la Gagwe! (. . . ? . . .)
 Letago go Leina la Gagwe le bohlokwa!
 Fale Madi a tloditšwe pelong ya ka;
 Letago go Leina la Gagwe!

¹⁸³ Bjale bjo ke bošego bja selalelo, bjalo ka ge yo mongwe le yo mongwe a tseba. Re tsea selalelo bošegong bjo. Gomme ke lebetše ka sona go fihla Ngwanešu Neville a no nkeletše.

¹⁸⁴ Bjale ke ba bakae ba ikwelago gabotse ka kgonthé, gore o Monazarene Mopilgrim Holiness Mopentecostal? A re boneng seatla sa gago. Ke be ke etše hloko fa, Mobaptist le Momethodist ba eme sefaleng, ba šikinyana diatla seng. Oo, a ga re . . . A ga go makatše go ba mohlanka wa Morena!

¹⁸⁵ Bjale re no ba bana. Gomme bana ba ne ditsela tša go segiša gampe, le a tseba. Ba tla be ba ngangana motsotso wo mongwe le go bapala wa go latela. Gomme yeo ke tsela ye re swanetšego go ba. E no fediša kgogakgogano, go tloga legetleng la gago, gomme o ye pele ka ntle gomme o be le boipshino bjo bongwe gape, wa bapala ka mepopi ya gago, le e ka ba eng e swanetšego go dirwa.

¹⁸⁶ Bjale re na le tsošeletšo ye e tlago godimo. Gomme re ya go opela Ebangedi, re rere Ebangedi, gomme re no ba le nako ya go makatše. Ke ba bakae ba yago go be ba e rapediša? [Phuthego e re, "Amene."—Mor.] Oo, seo se lokile. Bjale, etlang gomme le re

thuše. Eyang mogaleng. Hwetšang tsela ye nngwe le ye nngwe ye nnyane le ka kgonago, memelang bana bohle ka gare. Ba botšeng, “Etlang godimo bjale, gomme le re thuše bjale. Re ya go ba le kopanelo go dikologa Lentšu.”

¹⁸⁷ Bjale ke nako ya selalelo. Yo mongwe le yo mongwe o amogetšwe go tšea selalelo le rena, feela metsotso e se mekae. Ba di tlisa godimo mo aletareng, gomme, metsotso ye lesome goba lesometlhano, gohle go fedile, morago re dira go hlapišana maoto.

¹⁸⁸ Ngwanešu Neville bjale o tla bala Lengwalo mabapi le selalelo, ge re sa le tlhomphokgolo ka kgontha bjale, ge re tšea selalelo.



MORAGO JESU A TLA NST57-0407E
(Then Jesus Came)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Aporele 7, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org